

斷句
校正

白香山詩集

塾卿署



白香山詩長慶集卷九

感傷

一古調詩凡五十五首

西明寺牡丹花時憶元九

前年題名處。今日看花來。一作芸香夾三見牡丹開。豈獨花堪惜。方知老暗催。何況尋花伴。東都去未迴。詎知紅芳側。春盡思悠哉。

立名按李肇國史補京城貴遊尚牡丹三十餘年矣每春暮車馬若狂以不耽玩爲恥執金吾鎗官園外寺觀種以求利一本有直數萬者元和末韓令始至長安居第有之命剷去曰吾豈效兒女子邪

傷楊弘貞

顏子昔短知

一作仲尼

惜其賢。楊生亦好學。不幸復徒然。一作今誰識天地意。獨與

龜鶴

一作蛇

一作年

權攝昭應早秋書事寄元拾遺兼呈李司錄

夏閏秋候早。七月風騷騷。渭川煙景晚。驪山宮殿高。丹殿子司諫。赤縣我徒勞。相去半日程。不得同遊遨。到官來十日。覽鏡生二毛。可憐趨走吏。塵土滿青袍。郵傳擁兩驛。簿書堆六曹。爲問網紀據。何必使鉛刀。

新栽竹

佐邑意不適。閉門秋草生。何以娛野性。種竹百餘莖。見此溪上色。憶得山中情。有時公事暇。盡日遶欄行。勿言根未固。勿言陰未成。已覺庭宇內。稍稍有餘清。最愛近窗卧。秋風枝有聲。

秋霖中過

一作過

尹縱之仙遊山居

慘慘八月暮。連連三日霖。邑居尚愁寂。况乃在山林。林下有志士。苦學惜光陰。歲晚千萬慮。併入方寸心。巖鳥共旅宿。草蟲伴愁吟。秋天牀席冷。雨夜燈火深。怜君寂寞意。攜酒一相尋。

寄江南兄弟

分散骨肉戀。趨馳名利牽。一奔塵埃馬。一汎風波船。忽憶分手時。憫默秋風前。別來朝復夕。積日成七年。花落城中池。春深江上天。登樓東南望。鳥滅煙蒼然。相去復幾許。道里近三千。平地猶難見。况乃隔山川。

曲江早秋

二年作

秋波紅蓼水。夕照青蕪岸。獨信馬蹄行。曲江池四畔。早涼晴後至。殘暑暝來散。方喜炎燠銷。復嗟時節換。我年三十六。冉冉昏復旦。人壽七十稀。七十新過半。且當對酒笑。勿起臨風歎。

寄題盤屋聽前雙松

兩松自仙遊山移植縣廳

憶昨為吏日。折腰多苦辛。歸家不自適。無計慰心神。手栽兩樹松。聊以當公嘉賓。乘春日一溉。生意漸欣欣。清韻度秋在。綠茸隨日新。始憐澗底色。不憶城中春。有時畫掩關。雙影對一身。晝日不寂寞。意中如三人。忽奉宣室詔。徵為文苑臣。閑來一惆悵。恰似別交親。一作昔早知煙翠前。攀翫不逡巡。悔從白雲裏。移爾落蒼塵。

翰林院中感秋懷王質夫

王居士

何處感時節。新蟬禁中聞。宮槐有秋意。風夕花紛紛。寄跡鵷鷺行。歸心鷗鶴羣。唯有王居士。知予憶白雲。何日仙遊寺。潭前秋見君。

禁中月

海上明月出。禁中清。一作秋夜長。東南樓殿白。稍稍上宮牆。淨落金塘水。明浮玉砌霜。不比人間見。塵土污清光。

贈賣松者

一束蒼蒼色。知從澗底來。剝掘經幾日。枝葉滿塵埃。不買非他意。城中無地栽。

初見白髮

白髮生一莖。朝來明鏡裏。勿言一莖少。滿頭從此始。青山方遠別。黃綬初從仕。未料

容髮間。蹉跎忽如此。

別元九後詠所懷

零落桐葉雨。蕭條槿花風。悠悠早秋意。生此幽閒中。況與故人別。中懷正無悰。勿云不相送。心到青門東。相知豈在多。但問同不同。同心一人去。坐覺長安空。

禁中秋宿

風翻朱

一作來

裏幕。雨冷通中。耿耿背斜燈。秋牀一人寢。

早秋曲江感懷

離離暑雲散。嫋嫋涼風起。池上秋又來。荷花半成子。朱顏自銷歇。白日無窮已。人壽不如山。年光急於水。青蕪與紅蓼。歲歲秋相似。去歲此悲秋。今秋復來此。

寄元九

身為近密拘。心為名檢縛。月夜與花時。少逢杯酒樂。唯有元夫子。閒來同一酌。把手或酣歌。展眉時笑謔。今春除御史。前月之東洛。別來未開顏。塵埃滿尊杓。蕙風晚香盡。槐雨餘花落。秋意一蕭條。離容兩寂寞。況隨白日老。共負青山約。誰識相念心。鴈與籠鶴。

春暮寄元九

梨花結成實。燕卵化為雛。時物又若此。道情復何如。但覺日月促。不嗟年歲徂。浮生都是夢。老小亦何殊。唯與故人別。江陵初謫居。時時一相見。此意未全除。

早梳頭

夜沐早梳頭。窗明秋鏡曉。颯然握中髮。一沐知一少。年事漸蹉跎。世緣方繚繞。不學空門法。老病何由了。未得無生心。白頭亦為夭。

出關路

山川函谷路。塵土游子顏。蕭條去國意。秋風生故關。

別舍弟後月夜

悄悄初別夜。去住兩盤桓。行子孤燈店。居人明月軒。平生共貧苦。未必日成歡。及此暫為別。懷抱已憂煩。況是庭葉盡。復思山路寒。如何為不念。馬瘦衣裳單。

新豐路逢故人

塵土長路晚。風煙廢宮秋。相逢立馬語。盡日此橋頭。知君不得意。鬱鬱來西遊。惆悵新豐店。何人識馬周。

金鑾子睂日

睂。將遠切。子生一歲曰睂。

行年欲四十。有女曰金鑾。生來始周歲。學坐未能言。慙非達者懷。未免俗情怜。從此

累身外。徒云慰目前。若無天折患。則有婚嫁牽。使我歸山計。應遲十五年。

立名按。雲仙雜記。樂天女金鑒十歲。忽書北山移文。示家人。樂天方買終南紫石。欲開文士傳。遂綴以勒之。

青龍寺早夏

塵埃經小雨。地高倚長坡。日西寺門外。景氣含清和。閒有老僧立。靜無凡客過。殘鶯意思盡。新葉陰涼多。春去來幾日。夏雲忽差我。朝朝感時節。年鬢暗蹉跎。胡為戀朝市。不去歸煙蘿。青山寸步地。自問心如何。

秋題牡丹叢

晚叢白露夕。衰葉涼風朝。紅豔久已歇。碧芳今亦銷。幽人生相對。心事共蕭條。

勸酒寄元九

薤葉有朝露。槿枝無宿花。君今亦如此。促促生有涯。既不逐禪僧。林下學楞伽。又不隨道士。山中煉丹砂。百年夜分半。一歲春無多。何不飲美酒。胡然自悲嗟。俗號消愁藥。神速無以加。一杯駭世慮。兩杯反天和。三杯即酩酊。或笑任狂歌。陶陶復兀兀。吾孰知其他。況在名利途。平生有風波。深心藏陷穽。巧言織網羅。舉目非不見。不醉欲如何。

曲江感秋五年

作

沙草新雨地。岸柳涼風枝。三年感秋思。併在曲江池。早蟬已嘹唳。晚荷復離披。前秋去秋思。一一生此時。昔人三十二。秋興已云悲。我今欲四十。秋懷亦可知。歲月不虛設。此身隨日衰。暗老不自覺。直到鬢成絲。

酬張太祝晚秋卧病見寄

高才淹禮寺。短雨翔禁林。西街居處遠。北闕官曹深。君病不來訪。我忙難往尋。差池終日別。寥落經年心。露濕綠蕪地。月寒紅樹陰。況茲獨愁夕。聞彼相思吟。上歎言一作歡笑阻。下嗟時歲侵。容衰曉窗鏡。思苦秋絃琴。一章錦繡段。八韻瓊瑤音。何似報珍重。慚無雙南金。

立秋日曲江憶元九

下馬柳陰下。獨上隄上行。故人千萬里。新蟬三兩聲。城中曲江。水江上江陵。城兩地。新秋思。應同此日情。

早朝賀雪寄陳山人

長安盈尺雪。早朝賀君喜。將赴銀臺門。始出新昌里。上堤馬蹄滑。中路蠟燭死。千里向北行。寒風吹破耳。待漏午門外。候對三殿裏。鬚鬢凍生冰。衣裳冷如水。忽思仙遊谷。暗謝陳居士。暖覆褐裘眠。日高應未起。

初與元九別後忽夢見之及寤而書適至兼寄桐花詩悵然感懷因以此寄元

江初謫
陵

永壽寺中語。新昌坊北分。歸來數行淚。悲事不悲君。悠悠藍田路。自去無消息。計君
食宿程。已過商山北。昨夜雲四散。十里同月色。曉來夢見君。應是君相憶。夢中握君
手。問君意何如。君言苦相憶。無人可寄書。覺來未及說。叩門聲冬冬。言是商州使。送
君書一封。枕上忽驚起。顛倒著衣裳。開緘見手扎。一紙十三行。上論還謫心。下說離
別腸。心腸都未盡。不暇敘炎涼。云作此書夜。夜宿商州東。獨對孤燈坐。陽城山館中。
夜深作書畢。山月向西斜。月下何所有。一樹紫桐花。桐花半落時。後道正相思。殷勤
書背後。兼寄桐花詩。桐花詩八韻。思緒一何深。以我令朝意。想君此夜心。一章三遍
讀。一句十回吟。珍重八十字。字字化為金。

和元九悼往

感舊蚊
帳作

美人別君去。自去無處尋。舊物零落盡。此情安可任。唯有禪紗幌。塵埃日夜侵。馨香
與顏色。不似舊時深。透影燈耿耿。籠光月沉沉。中有孤眠客。秋涼生夜衾。舊宅牡丹
院。新墳松柏林。夢中咸陽淚。覺後江陵心。含此隔年恨。發為中夜吟。無論君自感。聞
者欲沾襟。

重到渭上舊居

舊居清渭曲。開門當蔡渡。十年方一還。幾欲迷歸路。追思昔日行。感傷故游處。插柳
作高林。種桃成老樹。因驚成人者。盡是舊童叟。試問舊老人。半為遠村叟。浮生同過
客。前後遞來去。白日如弄珠。出沒光不住。人物日改變。舉目悲所遇。回念念我身。安
得不哀暮。朱顏銷不歇。白髮生無數。唯有山門外。三峰色如故。

白髮

白髮知時節。暗與我有期。今朝日陽裏。梳落數莖絲。家人不慣見。憫默為我悲。我云
何足怪。此意爾不知。凡人年三十。外壯中已衰。但思寢食味。已減二十時。況我今四
十。本來形貌羸。書魔昏兩眼。酒病沉四肢。親愛日零落。在者仍別離。身心久如此。白
髮生已遲。由來生老疾。三病長相隨。除却念無生。人間無藥治。

秋日

池殘寥落水。窗下悠揚日。嫋嫋秋風多。槐花半成實。下有獨立人。年來四十一。

將之饒州江浦夜泊

明月滿深浦。愁人臥孤舟。煩寃寢不得。夏夜長於秋。苦乏衣食資。遠為江海游。光陰
坐遲暮。鄉國行阻修。身病向鄱陽。家貧寄徐州。前事與後事。豈堪心併憂。憂來起長

望但見江水流。雲樹爲蒼蒼。煙波淡悠悠。故園迷處所。一念堪白頭。

思歸

時初爲校書郎

養無晨昏膳。隱無伏臘資。遂求及親祿。侃侃來京師。薄俸未及親。別家已經時。冬積溫席戀。春違采蘭期。夏至一陰生。稍稍夕漏遲。塊然抱愁者。長夜獨先知。悠悠鄉關路。夢去身不隨。坐惜時節變。蟬鳴槐花枝。

冀城北原作

野色何莽蒼。

去聲

秋聲亦蕭疎。風吹黃埃起。落日驅征車。何代此開國。封疆百里餘。古

今不相待。朝市無常居。昔人城邑中。今變爲丘墟。昔人墓田中。今化爲里閭。廢興相催迫。日月互居諸。世變無遺風。焉能知其初。行人千載後。懷古空躊躇。

客路感秋寄明準上人

日暮天地冷。雨霽山河清。長風從西來。草木凝秋聲。已感歲倏忽。復傷物凋零。孰能不慙悽。天時牽人情。借問空門子。何法易修行。使我忘得心。不教煩惱生。

游襄陽懷孟浩然

楚山碧。岩岩漢水碧。湯湯秀氣結成象。孟氏之文章。今我諷遺文。思人至其鄉。清風無人繼。日暮空襄陽。南望鹿門山。詭若有餘芳。舊隱不知處。雲深樹蒼蒼。

秋暮西歸途中書情

耿耿旅燈下。愁多常少眠。思鄉貴早發。發在雞鳴前。九月草木落。平蕪連遠山。秋陰和曙色。萬木蒼蒼然。去秋偶東游。今秋始西旋。馬瘦衣裳破。別家來二年。憶歸復愁歸。歸無一囊錢。心雖非蘭膏。安得不自燃。

秋懷

月出照北堂。光華滿階墀。涼風從西至。草木日夜衰。桐柳減綠陰。蕙蘭消碧滋。感物私自念。我心亦如之。安得長少壯。盛衰迫天時。人生如石火。為樂長苦遲。

別楊頴士盧克柔殷堯藩

倦鳥暮歸林。浮雲晴歸山。獨有行路子。悠悠不知還。人生苦營營。終日羣動間。所務雖不同。同歸於不閒。扁舟來楚鄉。足馬往秦關。離憂繞心曲。宛轉如循環。且持一杯酒。聊以開愁顏。

題贈定光上人

二十身出家。四十心離塵。得徑入大道。乘此不退輪。一坐十五年。林下秋復春。春花與秋氣。不感無情人。我來如有悟。潛以心照身。誤落聞見中。憂喜傷形神。安得遺耳目。冥然反天真。

祇役駱口驛喜蕭侍御書至兼觀新詩吟諷通宵因寄八韻

時為盤屋尉

日暮心無慘。吏役正營營。忽驚芳信至。復與新詩并。是時天無雲。山館有月明。月下讀數遍。風前吟一聲。一吟三四歎。聲盡有餘清。雅哉君子文。詠性不詠情。使我靈府中。鄙悵不得生。始知聽韶護。可使心和平。

酬李少府曹長官舍見贈

低腰復斂手。心體不遑安。一落風塵下。始

一作方

知為吏難。公事與日長。宦情隨歲闌。

惆悵青袍袖。芸香無半殘。賴有李夫子。此懷聊自寬。兩心如止水。彼此無波瀾。往往簿書暇。相勸強為歡。白馬晚蹋雲。綠觴春煖寒。戀月夜同宿。愛山晴共看。野性自相近。不是為同官。

留別

秋涼卷朝簾。春爰撤夜衾。雖是無情物。欲別尚沉吟。況與有情別。別隨情淺深。二年歡笑意。一旦東西心。獨留誠可念。同行力不任。前事詎能料。後期諒難尋。惟有潺湲淚。不惜共沾襟。

曉別

曉鼓聲已半。離筵坐難久。請君斷腸歌。送我和淚酒。月落欲明前。馬嘶初別後。浩浩

暗塵中何由見回首

北園

北園東風起。雜花次第開。心知須臾落。一日三四來。花下豈無酒。欲酌復遲迴。所思眇千里。誰勸我一杯。

惜梢李花

花細而繁。色艷而暗。亦花中之有恩者。遲良易落。故惜之耳。

樹小花鮮妍。香繁條軟弱。高低二三尺。重疊千萬萼。朝豔鵲霏霏。夕凋紛漠漠。解枝朱粉細。覆地紅綃薄。由來好顏色。常苦易銷燬。不見葭蕩花。狂風吹不落。

照鏡

皎皎青銅鏡。斑斑白絲髮。豈復更藏年。實年君不信。

新秋

西風飄一葉。庭前颯已涼。風池明月水。哀蓮白露房。其奈江南夜。綵綵自此長。

夜雨

早蛩啼復歇。殘燈滅又明。隔窗知夜雨。芭蕉先有聲。

秋江送客

秋鴻次第過。哀猿朝夕聞。是日孤舟客。此地亦離羣。濛濛潤衣雨。漠漠冒帆雲。不醉

潯陽酒煙波愁殺人

感逝寄遠

寄通州元侍御果州崔員外
豐州李舍人鳳州李郎中

昨日聞甲死。今朝聞乙死。知識三分中。二分化為鬼。逝者不復見。悲者長已矣。存者
今如何。去我皆萬里。平生知心者。屈指能有幾。通果澧鳳州。眇然四君子。相思俱老
大。浮世如流水。應歎舊交游。凋零日如此。何當一杯酒。開眼笑相視。

秋月

夜初色蒼然。夜深光浩然。稍轉西廊下。漸滿南窗前。況是綠蕪地。復茲清露天。落葉
聲策策。驚鳥影翩翩。棲禽尚不穩。愁人安可眠。

白香山詩長慶集卷九終

白香山詩長慶集卷十

感傷二

古調詩五言
凡七十八首

朱陳村

徐州古豐縣有村曰朱陳去縣百餘里桑麻青氎機梭聲札札牛驢走紆紆女汲
澗中水男採山上薪縣遠官事少山深人俗淳有財不行商有丁不入軍家家守村
業頭白不出門生為村之民死為村之塵田中老與幼相見何欣欣一村唯兩姓世
世為婚姻其村唯朱陳二姓而已親疎居有族少長游有羣黃雞與白酒歡會不隔旬生者不
遠別嫁娶先近鄰死者不遠葬墳墓多遠村既安生與死不苦形與神所以多壽考
往往見玄孫我生禮義鄉少小孤且貧徒學辨是非祇自取辛勤世法貴名教士人
重官婚以此自桎梏信為大謬人十歲解讀書十五能屬文二十舉秀才三十為諫
臣下有妻子累上有君親恩承家與事國望此不肖身憶昨旅遊初迄今十五春孤
舟三適楚羸馬四經秦晝行有飢色夜寢無安魂東西不暫住來往若浮雲離亂失
故鄉骨肉多散分江南與江北各有平生親平生終日別逝者隔年聞朝憂臥至暮
夕哭坐達晨悲火燒心曲愁霜侵鬢根一生苦如此長羨村中民

讀鄧飭詩

塵架多文集。偶取一卷披。未及看姓名。疑是陶潛詩。看名知是君。惻惻令我悲。詩人多蹇厄。近日誠有之。京兆杜子美。猶得一拾遺。襄陽孟浩然。亦聞鬢成絲。嗟君兩不如。三十在布衣。擢第祿不及。新婚妻未歸。少年無疾患。溘死於路岐。天不與壽壽。唯與好文詞。此理勿復道。巧曆不能推。

寄元九

自此後在渭村作。

晨雞曉發聲。夕雀俄歛翼。晝夜往復來。疾如出入息。非徒改年貌。漸覺無心力。自念因念君。俱為老所逼。君年雖校少。顛顚謫南國。三年不放歸。炎瘴消顏色。山無殺草霜。水有含沙蜮。健否遠不知。書多隔年得。願君少愁苦。我亦加飧食。各保金石軀。以慰長相憶。

秋夕

葉聲落如雨。月色白似霜。夜深方獨臥。誰為拂塵牀。

夜雨

我有所念人。隔在遠遼鄉。我有所感事。結在深深腸。鄉遠去不得。無日不瞻望。腸深解不得。無夕不思量。況此殘燈夜。獨宿在空堂。秋天殊未曉。風雨正蒼蒼。不學頭陀法。前心安可忘。